॥तैत्तिरीय आरण्यकम्॥

॥चतुर्थः प्रश्नः॥

नमों वाचे या चोंदिता या चानुंदिता तस्यैं वाचे नमो नमों वाचे नमों वाचस्पतये नम ऋषिंभ्यो मन्नकृद्धो मन्नपितभ्यो मा मामृषंयो मञ्जकृतों मञ्जपतंयः परांदुर्माहमृषींन्मञ्जकृतों मन्नपतीन्परादां वैश्वदेवीं वाचमुद्यास शिवामदस्तां जुष्टां देवेभ्यः शर्म मे द्यौः शर्म पृथिवी शर्म विश्वमिदं जगंत्। शर्म चन्द्रश्च सूर्यश्च शर्म ब्रह्मप्रजापती। भूतं वंदिष्ये भुवंनं वदिष्ये तेजों वदिष्ये यशों वदिष्ये तपों वदिष्ये ब्रह्मं वदिष्ये सत्यं वंदिष्ये तस्मां अहमिदमुंपस्तरंणमुपंस्तृण उपस्तरंणं मे प्रजायै पशूनां भूयादुप्स्तरंणमृहं प्रजायै पशूनां भूयासं प्राणांपानौ मृत्योर्मा पातं प्राणांपानौ मा मां हासिष्टं मधुं मनिष्ये मधुं जनिष्ये मधुं वक्ष्यामि मधुं वदिष्यामि मधुंमतीं देवेभ्यो वाचंमुद्यास १ शुश्रूषेण्यां मनुष्येभ्यस्तं मां देवा अवन्तु शोभायै पितरोऽनुंमदन्तु। ॐ शान्तिः शान्तिः शान्तिः॥ नमों वाचे या चोंदिता या चानुंदिता तस्यैं वाचे नमो नमों वाचे नमों वाचस्पतंये नम ऋषिंभ्यो मन्नकृद्धो मन्नपितिभ्यो मा मामृषंयो मत्रकृतो मत्रपतंयः परांदुर्माहमृषींन्मत्रकृतो मन्नुपतीन्परादां वैश्वदेवीं वाचमुद्यास शिवामदस्तां जुष्टां देवेभ्यः शर्म मे द्यौः शर्म पृथिवी शर्म विश्वंमिदं जगंत्। शर्म चन्द्रश्च सूर्यश्च शर्म ब्रह्मप्रजापती। भूतं वंदिष्ये भुवंनं वदिष्ये तेजों वदिष्ये यशों वदिष्ये तपों वदिष्ये ब्रह्मं वदिष्ये सत्यं वंदिष्ये तस्मां अहमिदमुंपस्तरंणमुपंस्तृण उपस्तरंणं मे प्रजायै पशूनां भूयादुपस्तरंणमहं प्रजायै पशूनां भूयासं प्राणांपानौ मृत्योमां पातं प्राणांपानौ मा मां हासिष्टुं मधुं मनिष्ये मधुं जनिष्ये मधुं वक्ष्यामि मधुं वदिष्यामि मधुंमतीं देवेभ्यो वार्चमुद्यास र शुश्रूषेण्यां मनुष्येभ्यस्तं मां देवा अवन्तु शोभायैं पितरोऽनुंमदन्तु॥१॥

युअते मनं उत युंअते धियंः। विप्रा विप्रंस्य बृह्तो विप्रिक्षतंः। वि होत्रां दधे वयुनाविदेक इत्। मही देवस्यं सिवतुः परिष्टुतिः। देवस्यं त्वा सिवतुः प्रंसवे। अश्विनौर्बाहुभ्याम्। पूष्णो हस्तांभ्यामादंदे। अश्विरिस्

नारिरसि। अध्वरकृद्देवेभ्यः। उत्तिष्ठ ब्रह्मणस्पते॥२॥

देवयन्तंस्त्वेमहे। उप प्रयंन्तु मुरुतः सुदानंवः। इन्द्रं प्राशूर्भवा सचाँ। प्रेतु ब्रह्मंणुस्पतिः। प्र देव्येतु सूनृताँ। अच्छां वीरं नर्यं पङ्किराधसम्। देवा यज्ञं नयन्तु नः। देवीं द्यावापृथिवी अनुं मे मश्साथाम्। ऋद्यासंमुद्य। मुखस्य शिरंः॥३॥

म्खायं त्वा। म्खस्यं त्वा शीर्ष्णे। इयत्यग्रं आसीः। ऋद्धासंम्द्य। म्खस्य शिरंः। म्खायं त्वा। म्खस्यं त्वा शीर्ष्णे। देवीवभीर्स्य भूतस्यं प्रथमजा ऋतावरीः। ऋद्धासंमद्य। मखस्य शिरंः॥४॥

म्खायं त्वा। म्खस्यं त्वा शीर्ष्णे। इन्द्रस्यौजोंऽसि। ऋद्यासंमुद्या मुखस्य शिरंः। मुखायं त्वा। मुखस्यं त्वा शीर्ष्णे। अग्निजा असि प्रजापंते रेतंः। ऋद्यासंमुद्य। मुखस्य शिरंः॥५॥

मुखायं त्वा। मुखस्यं त्वा शीर्ष्णे। आयुंधेहि प्राणं धेहि। अपानं धेहि व्यानं धेहि। चक्षुंधेहि श्रोत्रं धेहि। मनों धेहि वाचं धेहि। आत्मानं धेहि प्रतिष्ठां धेहि। मां धेहि मियं धेहि। मधुं त्वा मधुला करोतु। मुखस्य शिरोंऽसि॥६॥ यज्ञस्यं पदे स्थः। गायत्रेणं त्वा छन्दंसा करोमि। त्रैष्टंभेन त्वा छन्दंसा करोमि। जागंतेन त्वा छन्दंसा करोमि। मखस्य रास्नांऽसि। अदितिस्ते बिलं गृह्णातु। पाङ्कंन छन्दंसा। सूर्यस्य हरंसा श्राय। मुखोंऽसि॥७॥

प्ते शिरं ऋतावरीर्ऋद्यासंम् मृखस्य शिरः शिरः शिरां शि

मित्रस्यं चर्षणीधृतंः। श्रवों देवस्यं सान्सिम्। द्युम्नं चित्रश्रंवस्तमम्। सिध्यैं त्वा। देवस्त्वां सिव्तोद्वंपतु। सुपाणिः स्वंङ्गुरिः। सुबाहुरुत शक्त्याः। अपंद्यमानः पृथिव्याम्। आशा दिश् आ पृंण। उत्तिष्ठ बृहर्भव॥९॥

ऊर्ध्वस्तिष्ठद्भुवस्त्वम्। सूर्यस्य त्वा चक्षुषाऽन्वीक्षे। ऋजवे त्वा। साधवे त्वा। सुक्षित्ये त्वा भूत्यै त्वा। इदम्हम्मुमामुष्यायणं विशा पृशुभिर्ब्रह्मवर्चसेन् पर्यूहामि। गायुत्रेणं त्वा छन्द्साऽऽच्छृंणद्मि। त्रैष्टुंभेन त्वा छन्दसाऽऽच्छृंणिद्मे। जागंतेन त्वा छन्दसाऽऽच्छृंणिद्मे। छृणत्तं त्वा वाक्। छृणत्तु त्वोक्। छृणत्तं त्वा ह्विः। छृन्धि वाचम्। छृन्ध्यूर्जम्। छृन्धि ह्विः। देवं पुरश्चर सुग्ध्यासं त्वा॥१०॥

पृथ्वां भव वाख्यद्वं — [३] ब्रह्मंन् प्रवर्ग्यण् प्रचेरिष्यामः। होतंर्घमम्भिष्टुंहि। अग्नीद्रौहिंणौ पुरोडाशावधिंश्रय। प्रतिप्रस्थातुर्विहंर। प्रस्तोतः सामानि गाय। यजुंर्युक्त्र सामभिराक्तंखन्त्वा। विश्वैर्देवैरन्मतं

गाया यजुर्युक्तर् सामाम्राक्तखन्त्वा। विश्वद्वरनुमतः मुरुद्धिः। दक्षिणाभिः प्रतंतं पारयिष्णुम्। स्तुभौ वहन्तु सुमनस्यमानम्। स नो रुचं धेह्यहंणीयमानः। भूर्भुवः सुवंः।

ओमिन्द्रंवन्तुः प्रचंरत॥११॥

अहंणीयमानो द्वे चं॥

ब्रह्मन्प्रचरिष्यामः। होतंर्घर्मम्भिष्टुंहि। यमायं त्वा मुखायं त्वा। सूर्यस्य हरसे त्वा। प्राणाय स्वाहां व्यानाय स्वाहांऽपानाय स्वाहां। चक्षुंषे स्वाहा श्रोत्रांय स्वाहां। मनसे स्वाहां वाचे

सरंस्वत्यै स्वाहाँ। दक्षांय स्वाहा ऋतंवे स्वाहाँ। ओजंसे स्वाहा बलांय स्वाहाँ। देवस्त्वां सविता मध्वांऽनक्तु॥१२॥ चतुर्थः प्रश्नः

पृथिवीं तपंसस्रायस्व। अर्चिरंसि शोचिरंसि ज्योतिंरसि तपोंऽसि। स॰सींदस्व महा॰ असि। शोचंस्व देववीतंमः। विधूममंग्ने अरुषं मियेध्य। सृज प्रंशस्तदर्शतम्। अञ्जन्ति यं प्रथयंन्तो न विप्राः। वपावन्तं नाग्निना तपंन्तः। पितुर्न पुत्र उपंसि प्रेष्ठः। आ घुर्मो अग्निमृतयंत्रसादीत्॥१३॥ अनाधृष्या पुरस्तांत्। अग्नेराधिपत्ये। आयुर्मे दाः। पुत्रवंती दक्षिणतः। इन्द्रस्याधिपत्ये। प्रजां में दाः। सुषदां पश्चात्। देवस्यं सवितुराधिपत्ये। प्राणं में दाः। आश्रुंतिरुत्तरतः॥१४॥ मित्रावरुणयोराधिपत्ये। श्रोत्रं मे दाः। विधृतिरुपरिष्टात्। बृहस्पतेराधिपत्ये। ब्रह्मं मे दाः क्षत्रं में दाः। तेजों मे धा वर्चो मे थाः। यशों मे धास्तपों मे धाः। मनों मे धाः। मनोरश्वांऽसि भूरिपुत्रा। विश्वाभ्यो मा नाष्ट्राभ्यः पाहि॥१५॥ सूपसदां मे भूया मा मां हिश्सीः। तपोष्वंग्ने अन्तराश अमित्रान्। तपाश्र संमररुषः परंस्य। तपांवसो चिकितानो अचित्तान्। वि तें तिष्ठन्तामजरां अयासंः। चितंः स्थ परिचितंः। स्वाहां मुरुद्धिः परिश्रयस्व। मा असि। प्रमा अंसि। प्रतिमा अंसि॥१६॥

सम्मा असि। विमा असि। उन्मा असि। अन्तरिक्षस्यान्तर्छि-रेसि। दिवं तपंसस्रायस्व। आभिर्गीर्भिर्यदतों न ऊनम्। आप्यायय हरिवो वर्धमानः। यदा स्तोतृभ्यो महिं गोत्रा रुजासिं। भूयिष्ठभाजो अधं ते स्याम। शुक्रं ते अन्यद्यंजतं ते अन्यत्॥१७॥

विष्रूपे अहंनी द्यौरिवासि। विश्वा हि माया अवंसि स्वधावः। भुद्रा ते पूषित्रह रातिरंस्तु। अर्हंन्बिभर्षि सायंकानि धन्वं। अर्हं निष्कं यंज्ञतं विश्वरूपम्। अर्हं निदन्दंयसे विश्वमञ्जंबम्। न वा ओजींयो रुद्र त्वदंस्ति। गायुत्रमंसि। त्रैष्टुंभमिस। जागंतमिस। मधु मधु मधुं॥१८॥

अन्नक्सावीदुत्तः पांहि प्रतिमा असि यज्ञतन्ते अन्यज्ञागंतम्स्येकं चा-[५] दश् प्राचीर्दशं भासि दक्षिणा। दशं प्रतीचीर्दशं भास्युदीचीः। दशोध्वां भांसि सुमन्स्यमानः। स नो रुचं धेह्यहंणीयमानः। अग्निष्ट्वा वसंभिः पुरस्तांद्रोचयतु गायत्रेण छन्दंसा। स मां रुचितो रोचय। इन्द्रंस्त्वा रुद्रैदंक्षिणतो रोचयतु त्रैष्टुंभेन् छन्दंसा। स मां रुचितो रोचय। वर्रणस्त्वादित्यैः पृश्चाद्रोचयतु जागंतेन छन्दंसा। स मां रुचितो रोचय॥१९॥

द्युतानस्त्वां मारुतो म्रुद्धिरुत्तर्तो रोंचयत्वानुंष्टुभेन् छन्दंसा। स मां रुचितो रोंचय। बृह्स्पतिंस्त्वा विश्वैद्वैरुपरिष्टाद्रोचयतु पाङ्केन् छन्दंसा। स मां रुचितो रोंचय। रोचितस्त्वं देव धर्म देवेष्वसिं। रोचिषीयाहं मनुष्येषु। सम्राह्ममं रुचितस्त्वं देवेष्वायुंष्मा इस्तेज्स्वी ब्रह्मवर्चस्यंसि। रुचितों ऽहं मनुष्येष्वायुंष्मा इस्तेज्स्वी ब्रह्मवर्च्सी भूयासम्। रुगंसि। रुचं मिये धेहि॥२०॥

मिय रुक्। दशं पुरस्ताँद्रोचसे। दशं दिश्वणा। दशं प्रत्यङ्कः। दशोदङ्कं। दशोध्वीं भांसि सुमन्स्यमानः। स नंः सम्राडिष्मूर्जं धेहि। वाजी वाजिने पवस्व। रोचितो धर्मी रुचीय॥२१॥

रोच्य धेहि नर्व च॥———[६]

अपंश्यं गोपामनिपद्यमानम्। आ च परां च प्थिभिश्चरंन्तम्। स सुध्रीचीः स विषूचीर्वसानः। आ वरीवर्ति भुवनेष्वन्तः। अत्रं प्रावीः। मधु मार्धींभ्यां मधु माधूचीभ्याम्। अनुं वां देववीतये। सम्ग्रिर्ग्निनां गत। सं देवेनं सिवत्रा। स॰ सूर्येण रोचते॥२२॥

स्वाहा समृग्निस्तपंसा गत। सं देवेनं सिवता। स॰

सूर्येणारोचिष्ट। धूर्ता दिवो विभांसि रजंसः। पृथिव्या धूर्ता। उरोर्न्तिरक्षस्य धूर्ता। धूर्ता देवो देवानाम्। अमर्त्यस्तपोजाः। हृदे त्वा मनंसे त्वा। दिवे त्वा सूर्याय त्वा॥२३॥

कुष्विम्ममंध्वरं कृषि। दिवि देवेषु होत्रां यच्छ। विश्वांसां भुवां पते। विश्वंस्य भुवनस्पते। विश्वंस्य मनसस्पते। विश्वंस्य वचसस्पते। विश्वंस्य तपसस्पते। विश्वंस्य ब्रह्मणस्पते। देवश्रस्त्वं देव धर्म देवान्पांहि। तुपोुजां वाचंम्स्मे नियंच्छ देवायुवम्॥२४॥

गर्भो देवानांम्। पिता मंतीनाम्। पितः प्रजानांम्। मितः कवीनाम्। सं देवो देवेनं सिवत्रा यंतिष्ट। सर सूर्येणारुक्त। आयुर्दास्त्वम्स्मर्भ्यं घर्म वर्चोदा असि। पिता नोऽसि पिता नो बोध। आयुर्द्धास्तेनूधाः पंयोधाः। वर्चोदा वंरिवोदा द्रंविणोदाः॥२५॥

अन्तरिक्षप्र उरोर्वरीयान्। अशीमिह ल्वा मा मा हिश्सीः। त्वमंग्ने गृहपतिर्विशामंसि। विश्वांसां मानुंषीणाम्। शृतं पूर्भिर्यविष्ठ पाह्यश्हंसः। समेद्धार्थ शृतश् हिमाः। तुन्द्राविण हिमाः। तुन्द्राविण हिमाः। हिहैव रातयः सन्तु। त्वष्टीमती

ते सपेय। सुरेता रेतो दर्धाना। वीरं विदेय तर्व सुन्दर्शि। माऽह॰ रायस्पोषेण वि योषम्॥२६॥

रोच्ते सूर्याय त्वा देवायुवं द्रविणोदा दर्धाना द्वे चं॥—————[$oldsymbol{arphi}$]

देवस्यं त्वा सिवतुः प्रंस्वे। अश्विनौर्बाहुभ्याम्। पूष्णो हस्ताभ्यामादंदे। अदित्ये रास्नांसि। इड एहिं। अदित् एहिं। सरंस्वत्येहिं। असावेहिं। असावेहिं। असावेहिं। असावेहिं॥२७॥ अदित्या उष्णीषंमिस। वायुरंस्यैडः। पूषा त्वोपावंसृजतु। अश्विभ्यां प्रदांपय। यस्ते स्तनः शश्यो यो मयोभूः। येन विश्वा पुष्यंसि वार्याणि। यो रंत्र्धा वंसुविद्यः सुदर्त्रः। सरंस्वित तिमेह धातंवेकः। उस्रं धूर्मः शिरंष। उस्रं धूर्मं पाहि॥२८॥

घुर्मायं शिश्ष। बृहुस्पतिस्त्वोपंसीदतु। दानंवः स्थ् पेरंवः। विष्वुग्वृतो लोहितेन। अश्विभ्यां पिन्वस्व। सरंस्वत्यै पिन्वस्व। पूष्णे पिन्वस्व। बृहुस्पतंये पिन्वस्व। इन्द्रांय पिन्वस्व। इन्द्रांय पिन्वस्व॥२९॥

गायत्रों ऽसि। त्रैष्टुंभो ऽसि। जागंतमसि। सहोर्जो भागेनोपुमेहिं। इन्द्रौक्षिना मधुंनः सार्घस्यं। घुमं पांत वसवो यजंता वट्। स्वाहाँ त्वा सूर्यस्य र्श्मयें वृष्टिवनंये जुहोमि। मधुं ह्विरंसि। सूर्यस्य तपंस्तप। द्यावांपृथिवीभ्यां त्वा परिंगृह्णामि॥३०॥

अन्तरिक्षेण त्वोपंयच्छामि। देवानां त्वा पितृणामनुंमतो भर्तु १ शकेयम्। तेजोऽसि। तेजोऽनु प्रेहिं। दिविस्पृङ्गा मां हि १ सीः। अन्तरिक्षस्पृङ्गा मां हि १ सीः। पृथिविस्पृङ्गा मां हि १ सीः। सुवंरसि सुवंर्मे यच्छ। दिवं यच्छ दिवो मां पाहि॥ ३१॥

पहिं पहि पिन्वस्व गृह्णि नवं चा—[८]
समुद्रायं त्वा वातांय स्वाहाँ। सृतिलायं त्वा वातांय स्वाहाँ।
अनाधृष्यायं त्वा वातांय स्वाहाँ। अप्रतिधृष्यायं त्वा वातांय
स्वाहाँ। अवस्यवे त्वा वातांय स्वाहाँ। दुवंस्वते त्वा वातांय
स्वाहाँ। शिमिंद्वते त्वा वातांय स्वाहाँ। अग्नये त्वा वसुंमते
स्वाहाँ। सोमांय त्वा रुद्रवंते स्वाहाँ। वरुणाय त्वाऽऽदित्यवंते
स्वाहाँ॥३२॥

बृह्स्पतंये त्वा विश्वदें व्यावते स्वाहाँ। स्वित्रे त्वंर्भुमतें विभुमतें प्रभुमते वाजंवते स्वाहाँ। यमाय त्वाऽङ्गिरस्वते पितृमते स्वाहाँ। विश्वा आशां दक्षिणसत्। विश्वां देवानंयाडिह। स्वाहांकृतस्य घुर्मस्यं। मधौः पिबतमिश्वना। स्वाहाऽग्नयं युज्ञियांय। शं यर्जुर्भिः। अश्विना घुर्मं पांत॰ हार्दिवानम्॥३३॥

अहंर्दिवाभिंक्तिभिः। अनुं वां द्यावांपृथिवी मर्स्साताम्। स्वाहेन्द्रांय। स्वाहेन्द्रावट्। घूर्ममंपातमिश्वना हार्दिवानम्। अहंर्दिवाभिंक्तिभिः। अनुं वां द्यावांपृथिवी अंमर्साताम्। तं प्राव्यं यथा वट्। नमों दिवे। नमः पृथिव्यै॥३४॥

दिवि धां इमं यज्ञम्। यज्ञमिमं दिवि धाः। दिवं गच्छ। अन्तरिक्षं गच्छ। पृथिवीं गच्छ। पश्चं प्रदिशों गच्छ। देवान्धर्मपान्गंच्छ। पितृन्धर्मपान्गंच्छ॥३५॥

आदित्यवंते स्वाहां हार्दिवानं पृथिव्या अष्टौ चं॥------[γ]

ड्षे पींपिहि। ऊर्जे पींपिहि। ब्रह्मंणे पीपिहि। क्षुत्रायं पीपिहि। अन्धः पींपिहि। ओषंधीभ्यः पीपिहि। वनस्पतिंभ्यः पीपिहि। द्यावांपृथिवीभ्यां पीपिहि। सुभूतायं पीपिहि। ब्रह्मवर्चसायं पीपिहि॥३६॥

यर्जमानाय पीपिहि। मह्यं ज्येष्ठ्यांय पीपिहि। त्विष्यैं त्वा। द्युम्नायं त्वा। इन्द्रियायं त्वा भूत्यैं त्वा। धर्माऽसि सुधर्मा में न्यस्मे। ब्रह्मांणि धारय। क्षुत्राणि धारय। विशं धारय। नेत्त्वा वार्तः स्कन्दयात्॥३७॥

अमुष्यं त्वा प्राणे सांदयामि। अमुनां सह निर्धं गंच्छ। यौऽस्मान्द्वेष्टिं। यं चं व्यं द्विष्मः। पूष्णे शर्रसे स्वाहाँ। ग्रावंभ्यः स्वाहाँ। प्रतिरेभ्यः स्वाहाँ। द्यावांपृथिवीभ्याङ् स्वाहाँ। पितृभ्यों धर्मपेभ्यः स्वाहाँ। रुद्रायं रुद्रहोँत्रे स्वाहाँ॥३८॥

अह्रज्योंतिः केतुनां जुषताम्। सुज्योतिज्योतिषा्ड् स्वाहाँ। रात्रिज्योतिः केतुनां जुषताम्। सुज्योतिज्योतिषा्ड् स्वाहाँ। अपीपरो माऽह्रो रात्रियै मा पाहि। एषा ते अग्ने समित्। तया समिध्यस्व। आयुंर्मे दाः। वर्चसा माञ्जीः। अपीपरो मा रात्रिया अह्रों मा पाहि॥३९॥

पृषा ते अग्ने स्मित्। तया सिमध्यस्व। आयुंर्मे दाः। वर्चसा माञ्जीः। अग्निज्योतिज्योतिंरग्निः स्वाहाँ। सूर्यो ज्योतिज्योतिः सूर्यः स्वाहाँ। भूः स्वाहाँ। हुत हिवः। मधुं हिवः। इन्द्रंतमेऽग्नौ॥४०॥

पिता नोंऽसि मा मां हि॰सीः। अश्यामं ते देवघर्म। मधुंमतो वाजंवतः पितुमतः। अङ्गिरस्वतः स्वधाविनः। अशीमहिं त्वा मा मां हि॰सीः। स्वाहाँ त्वा सूर्यस्य रृश्मिभ्यः। स्वाहाँ त्वा नक्षंत्रेभ्यः॥४१॥

ब्रह्मवर्चसार्यं पीपिहि स्कुन्दयाँद्रुद्रायं रुद्रहोँत्रे स्वाहाऽह्नां मा पाह्यग्नौ सप्त चं॥——[१०]

घर्म् या ते दिवि शुक्। या गांयत्रे छन्दंसि। या ब्राँह्मणे। या हिविद्धानें। तान्तं एतेनावं यजे स्वाहां। घर्म् या तेऽन्तिरिक्षे शुक्। या त्रैष्टुंभे छन्दंसि। या रांजन्यें। याऽऽग्नींग्ने। तान्तं एतेनावं यजे स्वाहां॥४२॥

घर्म् या ते पृथिव्या १ शुक्। या जागंते छन्दंसि। या वैश्यें। या सदंसि। तान्तं एतेनावं यजे स्वाहाँ। अनुनोऽद्यानुंमितिः। अन्विदंनुमते त्वम्। दिवस्त्वां पर्स्पायाः। अन्तरिक्षस्य तनुवंः

पाहि। पृथिव्यास्त्वा धर्मणा॥४३॥

व्यमनुंक्रामाम सुविताय नव्यंसे। ब्रह्मणस्त्वा पर्स्पायाः। क्ष्र्त्रस्यं तुनुवंः पाहि। विशस्त्वा धर्मणा। व्यमनुंक्रामाम सुविताय नव्यंसे। प्राणस्यं त्वा पर्स्पायैं। चक्षुंषस्तुनुवंः पाहि। श्रोत्रंस्य त्वा धर्मणा। व्यमनुंक्रामाम सुविताय नव्यंसे। वृत्र्गुरंसि श्रं युधायाः॥४४॥

शिशुर्जनंधायाः। शं च विक्षे परि च विक्षे। चतुः

स्रिक्तिर्नाभिर्ऋतस्यं। सदो विश्वायुः शर्म सप्रथाः। अप द्वेषो अपृह्वरेः। अन्यद्वंतस्य सिश्चम। घर्मेतत्तेऽन्नंमेतत्पुरीषम्। तेन् वर्धस्व चाऽऽ चं प्यायस्व। वर्धिषीमिहं च व्यम्। आ चं प्यासिषीमिहं॥४५॥

रिन्तुर्नामांसि दिव्यो गंन्ध्रवंः। तस्यं ते पृद्वद्वंविद्वानम्ं। अग्निरध्यंक्षाः। रुद्रोऽधिपितः। समहमायुषा। सं प्राणेनं। सं वर्चसा। सं पर्यसा। सं गौपत्येनं। स॰ रायस्पोषेण॥४६॥ व्यंसौ। यौऽस्मान्द्वेष्टिं। यं चं व्यं द्विष्मः। अचिक्रदृदृषा हिरेः। महान्मित्रो न देर्श्तः। स॰ सूर्येण रोचते। चिदंसि समुद्रयोनिः। इन्दुर्दक्षः श्येन ऋतावां। हिरंण्यपक्षः शकुनो भृरण्युः। महान्त्स्थस्थे ध्रुव आनिषंत्तः॥४७॥ नमंस्ते अस्तु मा मां हि॰सीः। विश्वावंसु॰ सोम गन्धर्वम्।

नर्मस्ते अस्तु मा मां हिश्सीः। विश्वावंसुश् सोम गन्ध्वंम्। आपों दृ शुषीः। तृ तेनाव्यांयन्। तृ वृ व्ववैत्। इन्द्रों रारहाण आंसाम्। पिर् सूर्यस्य पिर्धीश्रं रंपश्यत्। विश्वावंसुर्भि तृ शों गृणातु। दिव्यो गंन्ध्वों रजंसो विमानः। यद्वां घा सृत्यमुत यत्र विद्या ४८॥ धियों हिन्वानो धिय इन्नों अव्यात्। सिम्नेमविन्द चरंणे

न्दीनाम्। अपावृणोद्दुरो अश्मंत्रजानाम्। प्रासान्गन्ध्वीं अमृतांनि वोचत्। इन्द्रो दक्षं परिजानाद्दीनम्। एतत्त्वं देव धर्म देवो देवानुपागाः। इदम्हं मंनुष्यो मनुष्यान्। सोमंपीथानुमेहिं। सह प्रजयां सह रायस्पोषंण। सुमित्रा न आप ओषंधयः सन्तु॥४९॥

दुर्मित्रास्तस्में भूयासुः। यो उस्मान्द्वेष्टिं। यं चं वयं द्विष्मः। उद्वयं तमंस्परिं। उद्वयं चित्रम्। इममूषुत्यम्समभ्य रं स्निम्। गायत्रं नवींया रसम्। अग्ने देवेषु प्रवोचः॥५०॥ याऽऽग्रींष्ट्रे तान्तं पुतेनावं यज्ञे स्वाहा धर्मणा श्रं युधायाः प्यासिषीमहि पोषेण निषंतो विद्य

संन्त्वष्टौ॥-----[११]

महीनां पयोऽसि विहितं देवत्रा। ज्योतिर्भा असि वनस्पतीनामोषधीना र रसंः। वाजिनं त्वा वाजिनोऽवं नयामः। ऊर्धं मनंः सुवर्गम्॥५१॥

-----[१२]

अस्कान्द्यौः पृंथिवीम्। अस्कान्ष्यभो युवागाः। स्कन्नेमा विश्वा भुवना। स्कन्नो युज्ञः प्रजनयतु। अस्कानजनि प्राजनि। आ स्कन्नाज्ञायते वृषां। स्कन्नात् प्रजनिषीमहि॥५२॥ या पुरस्तांद्विद्युदापंतत्। तान्तं पुतेनावं यजे स्वाहां। या दंक्षिणतः। या पश्चात्। योत्तंरतः। योपरिष्टाद्विद्युदापंतत्। तान्तं एतेनावं यजे स्वाहां॥५३॥

प्राणाय स्वाहाँ व्यानाय स्वाहां ऽपानाय स्वाहाँ। चक्षुंषे स्वाहा श्रोत्राय स्वाहाँ। मनसे स्वाहां वाचे सरस्वत्ये स्वाहां॥५४॥

पूष्णे स्वाहां पूष्णे शरेसे स्वाहां। पूष्णे प्रपुत्थ्यांय स्वाहां पूष्णे नुरन्धिषाय स्वाहाँ। पूष्णेऽङ्गंणये स्वाहां पूष्णे नुरुणांय स्वाहाँ। पूष्णे सांकेताय स्वाहाँ॥५५॥

उदंस्य शुष्मौद्भानुर्नार्त बिभेर्ति। भारं पृथिवी न भूमं। प्र शुक्रैतुं देवी मंनीषा। अस्मत्सुतंष्टो रथो न वाजी। अर्चन्तु एके महि साममन्वत। तेनु सूर्यमधारयन्। तेनु सूर्यमरोचयन्। घृमः शिरुस्तद्यमुग्निः। पुरीषमिस् सं प्रियं प्रजयां पृशुभिर्भुवत्। प्रजापतिंस्त्वा सादयतु। तयां देवतंयाऽङ्गिर्स्वद्भवा सीद॥५६॥

[0

यास्ते अग्न आर्द्रा योनयो याः कुंलायिनीः। ये ते अग्न इन्देवो या उ नाभयः। यास्ते अग्ने तनुव ऊर्जो नामे। ताभिस्त्वमुभयीभिः संविदानः। प्रजाभिरग्ने द्रविणेह सीद। प्रजापितस्त्वा सादयतु। तयां देवतंयाऽङ्गिर्स्वद्भुवा सीद॥५७॥

१८]

अग्निरंसि वैश्वान्रोंऽसि। संवृत्स्रोंऽसि परिवृत्स्रोंऽसि। इद्वावृत्स्रोंऽसीदुवृत्स्रोंऽसि। इद्वृत्स्रोंऽसि वृत्स्रोंऽसि। तस्यं ते वस्नतः शिरंः। ग्रीष्मो दक्षिणः पृक्षः। वृर्षाः पृच्छम्। श्रुरदुत्तरः पृक्षः। हेमन्तो मध्यम्। पूर्वपृक्षाश्चित्तयः। अपूरपृक्षाः पृरीषम्। अहोरात्राणीष्टंकाः। तस्यं ते मासांश्चार्द्धमासाश्चं कल्पन्ताम्। ऋतवंस्ते कल्पन्ताम्। संवृत्स्रस्ते कल्पताम्। अहोरात्राणि ते कल्पन्ताम्। एति प्रेति वीति समित्युदिति। पृजापतिस्त्वा सादयतु। तयां देवतंयाऽङ्गिर्स्वद्भुवः सीद॥५८॥

चितंयो नवं च॥

[? ?]

भूर्भुवः सुवंः। ऊर्ध्व ऊषुणं ऊतयैं। ऊर्ध्वो नः पाह्यश्हंसः। विधुन्दंद्राणश् समंने बहूनाम्। युवांनुश् सन्तं पिलृतो जंगार। देवस्यं पश्य कार्व्यं मिहृत्वाद्या मुमारं। सह्यः समान। यदृते चिंदिभिश्रिषः। पुरा जर्तृभ्यं आतृदंः। सन्धांता सन्धिं मुघवां पुरोवसुंः॥५९॥

निष्कंर्ता विह्नुंतं पुनंः। पुनंरूर्जा सह र्य्या। मा नों घर्म व्यथितो विव्यथो नः। मा नः पर्मधंरं मा रजोंऽनैः। मोष्वंस्माः स्तमंस्यन्त्रा धाः। मा रुद्रियांसो अभिगुंर्वृधानः। मा नः ऋतुंभिर्हीडितेभिर्स्मान्। द्विषांसुनीते मा परां दाः। मा नों रुद्रो निर्ऋतिर्मा नो अस्ताः। मा द्यावांपृथिवी हींडिषाताम्॥६०॥

उपं नो मित्रावरुणाविहावंतम्। अन्वादींध्याथामिह नंः सखाया। आदित्यानां प्रसिंतिर्हेतिः। उग्रा शृतापाँष्ठा घविषा परिं णो वृणक्तु। इमं में वरुण तत्त्वां यामि। त्वं नों अग्रे स त्वं नों अग्रे। त्वमंग्रे अयासिं। उद्वयं तमंस्परिं। उद्त्यं चित्रम्। वयंः सुपूर्णाः॥६१॥

पुरोवसुंर्हीडिषाता १ सुपूर्णाः॥----

-[२०]

भूर्भुवः सुवंः। मिय् त्यदिन्द्रियं महत्। मिय् दक्षो मिय् ऋतुंः। मियं धायि सुवीर्यम्। त्रिशुंग्धर्मो विभातु मे। आकूँत्या मनंसा सह। विराजा ज्योतिषा सह। यज्ञेन पर्यसा सह। ब्रह्मणा तेजंसा सह। क्षत्रेण यशंसा सह। सत्येन तपंसा सह। तस्य दोहंमशीमिह। तस्यं सुम्नमंशीमिह। तस्यं भूक्षमंशीमिह। तस्यं त् इन्द्रेण पीतस्य मधुंमतः। उपंहृतस्योपंहृतो भक्षयामि॥६२॥

यशंसा सह षद्वं॥——[२१]

यास्ते अग्ने घोरास्त्नुवंः। क्षुच् तृष्णा चं। अस्रुक्वानांहुतिश्च। अ्श्नुन्या चं पिपासा चं। सेदिश्चामंतिश्च। एतास्ते अग्ने घोरास्त्नुवंः। ताभिर्मुं गंच्छ। यौऽस्मान्द्वेष्टिं। यं चं व्यं द्विष्मः॥६३॥

स्निक्क स्नीहिंतिश्च स्निहिंतिश्च। उष्णा चं शीता चं। उग्रा चं भीमा चं। सदाम्नीं सेदिरिनंरा। एतास्तें अग्ने घोरास्तुनुवंः। ताभिरमुं गंच्छ। यौंऽस्मान्द्वेष्टिं। यं चं वयं द्विष्मः॥६४॥

पुनिश्च ध्वान्तश्चं ध्वनश्चं ध्वनयः श्चा निलिम्पश्चं विलिम्पश्चं

विक्षिपः॥६५॥

-[२४] उग्रश्च धुनिश्च ध्वान्तश्चं ध्वनश्चं ध्वनयईश्च। सहसह्राइश्च सहमानश्च सहस्वाङ्श्च सहीयाङ्श्च। एत्य प्रेत्य विक्षिपः॥६६॥

अहोरात्रे त्वोदीरयताम्। अर्धमासास्त्वोदीं जयन्त्। मासौस्त्वा श्रपयन्तु। ऋतवेस्त्वा पचन्तु। संवत्सरस्त्वो हन्त्वसौ॥६७॥

खट् फट् जिहि। छिन्धी भिन्धी हन्धी कट्। इति वार्चः ऋराणि॥६८॥

-[२७] विगा इंन्द्र विचरंन्त्स्पाशयस्व। स्वपन्तंमिन्द्र पशुमन्तंमिच्छ। वज्रेणाम् बोधय दुर्विदत्रम्। स्वपतौऽस्य प्रहंरु भोजंनेभ्यः। अग्ने अग्निना संवंदस्व। मृत्यों मृत्युना संवंदस्व। नर्मस्ते अस्तु भगवः। सकृत्ते अग्ने नर्मः। द्विस्ते नमंः। त्रिस्ते नमंः। चतुस्ते नमंः। पृश्चकृत्वंस्ते नमंः। दृश्कृत्वंस्ते नमंः। दृश्कृत्वंस्ते नमंः। शृत्कृत्वंस्ते नमंः। आसहस्रकृत्वंस्ते नमंः। अपरिमित्कृत्वंस्ते नमंः। नमंस्ते अस्तु मा मा हि॰सीः॥६९॥

त्रिस्ते नर्मः सप्त चे॥——[२८] असृन्मुखो रुधिरेणाव्यंक्तः। यमस्यं दूतः श्वपाद्विधांवसि।

गृध्रं सुपूर्णः कुणप्ं निषेवसे। यमस्यं दूतः प्रहितो भ्वस्यं चोभयौः॥७०॥

यदेतद्वृंकसो भूत्वा। वाग्देंव्यभिरायंसि। द्विषन्तं मेऽभिराय। तं मृत्यो मृत्यवे नय। स आत्यीर्तिमार्च्छतु॥७१॥

यदीषितो यदि वा स्वकामी। भयेडेको वदिति वाचंमेताम्। तामिन्द्राग्नी ब्रह्मणा संविदानौ। शिवाम्स्मभ्यंं कृणुतं गृहेषुं॥७२॥

दीर्घमुखि दुर्हणु। मा स्मं दक्षिणुतो वंदः। यदिं दक्षिणुतो

–[३४]

वदाँद्विपन्तं मेऽवं बाधासै॥७३॥

इत्थाद्लूंक आपंप्तत्। हिरण्याक्षो अयोमुखः। रक्षंसां दूत आगंतः। तमितो नांशयाग्रे॥७४॥

यदेतद्भूतान्यंन्वाविश्यं। दैवीं वाचं वदसिं। द्विषतों नः परांवद। तान्मृत्यो मृत्यवे नय। त आर्त्याऽऽर्तिमार्च्छन्तु। अग्निनाऽग्निः संवंदताम्॥७५॥

प्रसार्यं सक्थ्यौ पतंसि। सव्यमिक्षं निपेपिं च। मेहकंस्य चनामंमत्॥ ७६॥

अत्रिणा त्वा क्रिमे हन्मि। कण्वेन जमदंग्निना। विश्वावंसोर्ब्रह्मणा हतः। क्रिमीणाः राजाः। अप्येषाः स्थपतिर्हतः। अथों माताऽथों पिता। अथौं स्थूरा अथौं क्षुद्राः। अर्थो कृष्णा अर्थौ श्वेताः। अर्थो आशातिंका हताः।

श्वेताभिः सह सर्वे हताः॥७७॥

आह्रावंद्य। शृतस्यं हुविषो यथां। तत्सत्यम्। यद्मुं यमस्य जम्भंयोः। आदंधामि तथा हि तत्। खण्फण्म्रसिं॥७८॥

ब्रह्मणा त्वा शपामि। ब्रह्मणस्त्वा शपथेन शपामि। घोरेणं त्वा भृगूंणां चक्षुंषा प्रेक्षें। रौद्रेण त्वाङ्गिरसां मनंसा ध्यायामि। अघस्यं त्वा धारंया विद्यामि। अधंरो मत्पंद्यस्वाऽसौ॥७९॥

उत्तंद शिमिजावरि। तल्पेंजे तल्प उत्तंद। गिरी रन् प्रवेशय। मरींची्रुप सन्नंद। यावंदितः पुरस्तांदुदयांति सूर्यः। तावंदितोंऽमुं नांशय। यौंऽस्मान्द्वेष्टिं। यं चं वृयं द्विष्मः॥८०॥

मूर्भुवः सुवो भूर्भुवः सुवो भूर्भुवः सुवंः। भुवौँऽद्धायि भुवौँऽद्धायि भुवौँऽद्धायि। नृम्णायि नृम्णं नृम्णायि नृम्णं नृम्णायि नृम्णम्। निधाय्यो वायि निधाय्यो वायि निधाय्यो वायि। ए अस्मे अस्मे। सुवर्न ज्योतीं:॥८१॥

पृथिवी समित्। ताम्गिः समिन्धे। साऽग्निः समिन्धे। ताम्हः समिन्धे। ताम्हः समिन्धे। सा मा समिद्धा। आयुंषा तेजंसा। वर्चसा श्रिया। यशंसा ब्रह्मवर्चसेनं। अन्नाद्येन समिन्ताः स्वाहां। अन्तरिक्षः समित्॥८२॥

तां वायुः सिनिन्धे। सा वायु सिनिन्धे। ताम्ह सिनिन्धे। सा मा सिनिद्धा। आयुंषा तेर्जसा। वर्चसा श्रिया। यशसा ब्रह्मवर्चसेनं। अन्नाद्येन सिनिन्ता स्वाहाँ। द्यौः सिनित्। तामांदित्यः सिनिन्धे॥८३॥

साऽऽदित्य सिन्धे। तामृह सिन्धे। सा मा सिन्धा। आयुंषा तेजंसा। वर्चसा श्रिया। यशंसा ब्रह्मवर्चसेनं। अन्नाद्येन सिन्ता स्वाहाँ। प्राजापत्या में सिन्दिस सपत्रक्षयंणी। भातृव्यहा में ऽसि स्वाहाँ। अग्नै व्रतपते व्रतं चंरिष्यामि॥८४॥

तच्छेकेयं तन्में राध्यताम्। वायों व्रतपत् आदित्य व्रतपते। व्रतानां व्रतपते व्रतं चेरिष्यामि। तच्छेकेयं तन्में राध्यताम्। द्यौः समित्। तामांदित्यः समिन्धे। साऽऽदित्य सिन्धे। तामह सिन्धे। सा मा सिन्द्या। आयुंषा तेजंसा॥८५॥ वर्चसा श्रिया। यशंसा ब्रह्मवर्चसेनं। अन्नाद्येन सिन्ता स् स्वाहाँ। अन्तरिक्ष समित्। तां वायुः सिन्धे। सा वायु सिन्धे। तामह सिन्धे। सा मा सिन्द्या। आयुंषा तेजंसा। वर्चसा श्रिया॥८६॥

यशंसा ब्रह्मवर्चसेनं। अन्नाद्यंन् सिनंन्ता रूप्ताहाँ। पृथिवी सिनत्। ताम् ग्निः सिनंन्थे। साऽग्निः सिनंन्थे। ताम् हः सिनंन्थे। सा मा सिनंद्या। आयंषा तेजंसा। वर्चसा श्रिया। यशंसा ब्रह्मवर्चसेनं॥८७॥

अन्नाद्यंन् सिमंन्ता इस्वाहाँ। प्राजापत्या में सिमदंसि सपत्नक्षयंणी। भ्रातृव्यहा में ऽसि स्वाहाँ। आदित्य व्रतपते व्रतमंचारिषम्। तदंशकं तन्में ऽराधि। वायौं व्रतपते उग्ने व्रतपते। व्रतानां व्रतपते व्रतमंचारिषम्। तदंशकं तन्में ऽराधि॥८८॥

स्मित्सिर्मिन्थे ब्रुतं चेरिष्याम्यायुंषा तेजंसा वर्चसा श्रिया यशंसा ब्रह्मवर्चसेनाष्टौ चं॥■[४१]

शं नो वार्तः पवतां मात्रिश्वा शं नंस्तपतु सूर्यः। अहांनिशं

भंवन्तु नः श रात्रिः प्रतिंधीयताम्। शमुषा नो व्यंच्छतु शर्मादित्य उदेंतु नः। शिवा नः शन्तंमा भव सुमृडीका सरस्वति। मा ते व्योम सन्दर्शि। इडांयै वास्त्वंसि वास्तुमद्वांस्तुमन्तों भूयास्म मा वास्तोंश्छित्स्मह्यवास्तुः स भूयाद्यौँऽस्मान्द्वेष्टि यं च वयं द्विष्मः। प्रतिष्ठासिं प्रतिष्ठावंन्तो भूयास्म मा प्रंतिष्ठायाँश्छितस्मह्मप्रतिष्ठः स भूयाद्यौऽस्मान्द्वेष्टि यं चे वयं द्विष्मः। आ वांत वाहि भेषजं वि वांत वाहि यद्रपंः। त्वः हि विश्वभेषजो देवानां दूत ईयंसे। द्वाविमौ वातौं वात आ सिन्धोरा पंरावतः॥८९॥ दक्षं मे अन्य आवातु परान्यो वांतु यद्रपंः। यद्दो वांतते गृहें ऽमृतंस्य निधिर्हितः। ततों नो देहि जीवसे ततों नो धेहि भेषुजम्। ततों नो मह आवंह वात् आवांतु भेषजम्। शम्भूर्मयोभूर्नो हृदे प्र णु आयू ५ षि तारिषत्। इन्द्रंस्य गृहोंऽसि तं त्वा प्रपंद्ये सगुः सार्थः। सह यन्मे अस्ति तेनं। भूः प्रपंद्ये भुवः प्रपंद्ये सुवः प्रपंद्ये भूर्भुवः स्वः प्रपंद्ये वायुं प्रपद्येऽनौर्तां देवतां प्रपद्येऽश्मोनमाख्णं प्रपंदो प्रजापंतेर्ब्रह्मकोशं ब्रह्म प्रपंद्य ओं प्रपंदो। अन्तरिक्षं म उर्वन्तरं बृहद्ग्रयः पर्वताश्च यया वातः स्वस्त्या स्वंस्तिमान्तयां स्वस्त्या स्वंस्तिमानंसानि। प्राणापानौ मृत्योमां पातं प्राणापानौ मा मां हासिष्टं मियं मेधां मियं प्रजां मय्यग्निस्तेजों दधातु मियं मेधां मियं प्रजां मयीन्द्रं इन्द्रियं दंधातु मियं मेधां मियं प्रजां मियं भाजों दधातु॥९०॥

द्युभिर्क्तभः परिपातम्स्मानरिष्टेभिरिश्वना सौभंगेभिः। तन्नों मित्रो वर्रुणो मामहन्तामिदितिः सिन्धुः पृथिवी उत द्यौः। कयां निश्चेत्र आ भुंवदूती सदावृधः सखाँ। कया शिचेष्ठया वृता। कस्त्वां सत्यो मदानां मश्हिष्ठो मत्सदन्धंसः। दृढाचिदारुजे वसुं। अभी षु णः सखींनामिवता जीरतृणाम्। शृतं भंवास्यूतिभिः। वयः सुपूर्णा उपसेदुरिन्द्रं प्रियमेधा ऋषयो नाधमानाः। अपं ध्वान्तमूर्णुहि पूर्धि चक्षुंर्मुमुग्ध्यंस्मान्निधयेव बद्धान्॥९१॥

शं नो देवीर्भिष्टंय आपों भवन्तु पीतयें। शं योर्भिस्नंवन्तु नः। ईशाना वार्याणां क्षयंन्तीश्चर्षणीनाम्। अपो यांचामि भेषजम्। सुमित्रा न आप ओषंधयः सन्तु दुर्मित्रास्तस्मैं भूयासुर्योऽस्मान्द्वेष्टि यं चे वयं द्विष्मः। आपो हि ष्ठा मंयोभुवस्ता नं ऊर्जे दंधातन। महे रणांय चक्षंसे। यो वंः शिवतंमो रसस्तस्यं भाजयतेह नंः। उशतीरिव मातरंः। तस्मा अरं गमाम वो यस्य क्षयांय जिन्वंथ॥९२॥ आपों जुनयंथा च नः। पृथिवी शान्ता साऽग्निनां शान्ता सा में शान्ता शुचं शमयतु। अन्तरिक्षः शान्तं तद्वायुनां शान्तं तन्में शान्त शुच रे शमयत्। द्योः शान्ता साऽऽदित्येनं शान्ता सा में शान्ता शुच ५ शमयतु। पृथिवी शान्तिंरन्तरिक्षः शान्तिर्द्यौः शान्तिर्दिशः शान्तिरवान्तरदिशाः शान्तिरग्निः शान्तिवायुः शान्तिरादित्यः शान्तिश्चन्द्रमाः शान्तिर्नक्षेत्राणि शान्तिरापः शान्तिरोषंधयः शान्तिर्वनस्पतंयः शान्तिर्गौः शान्तिरजा शान्तिरश्वः शान्तिः पुरुषः शान्तिर्ब्रह्म शान्तिं ब्राह्मणः शान्तिः शान्तिरेव शान्तिः शान्तिमें अस्तु शान्तिः। तयाहर शान्त्या सर्वशान्त्या मह्यं द्विपदे चतुंष्पदे च शान्तिं करोमि शान्तिंमें अस्तु शान्तिः। एह श्रीश्च हीश्च धृतिश्च तपों मेधा प्रतिष्ठा श्रद्धा सत्यं धर्मश्चेतानि मोत्तिष्ठन्तमनूत्तिष्ठन्तु मा मा अश्रिश्च हिश्च धृतिश्च तपो मेधा

प्रंतिष्ठा श्रद्धा सत्यं धर्मश्चेतानिं मा मा हांसिषुः। उदायुंषा स्वायुषोदोषंधीना रसेनोत्पर्जन्यंस्य शुष्मेणोदंस्थाममृता । अन्। तचक्षुंर्देविहेतं पुरस्तांच्छुऋमुचरंत्। पश्येम शुरदः शतं जीवेम शरदेः शतं नन्दाम शरदेः शतं मोदाम शरदेः शतं भवीम शरदेः शत १ शृणवीम शरदेः शतं प्रब्रंवाम शुरदेः शतमजीताः स्याम शरदेः शतं ज्योक्र सूर्यं दृशे। य उदंगान्महतोऽर्णवाद्विभ्राजंमानः सरि्रस्य मध्यात्स मां वृषभो लोहिताक्षः सूर्यो विपश्चिन्मनंसा पुनातु। ब्रह्मणश्चोतंन्यसि ब्रह्मण आणी स्थो ब्रह्मण आवपंनमसि धारितेयं पृथिवी ब्रह्मणा मही धारितमेनेन महदन्तरिक्षं दिवं दाधार पृथिवी सदेवां यदहं वेद तदहं धारयाणि मा मद्वेदोऽधिविस्नंसत्। मेधामनीषे माविंशता समीचीं भूतस्य भव्यस्यावंरुध्यै सर्वमायुंरयाणि सर्वमायुंरयाणि। आभिर्गीर्भिर्यदतों न ऊनमाप्यांयय हरिवो वर्धमानः। यदा स्तोतृभ्यो महिं गोत्रा रुजासिं भूयिष्ठभाजो अधं ते स्याम। ब्रह्म प्रावांदिष्म तन्नो मा हांसीत्। ॐ शान्तिः शान्तिः शान्तिः॥९३॥

पुरावतों दधातु बुद्धां जिन्बंथ दृशे सप्त चं॥_____[४२] नमों वाचे या चोंदिता या चानुंदिता तस्यैं वाचे नमो नमों

वाचे नमों वाचस्पतंये नम ऋषिंभ्यों मन्नकृद्धों मन्नंपतिभ्यो मा मामृषंयो मञ्जकृतो मञ्जपतंयः परादुर्माहमृषींन्मञ्जकृतो मन्नपतीन्परांदां वैश्वदेवीं वाचंमुद्यास शिवामदंस्तां जुष्टां देवेभ्यः शर्म मे द्यौः शर्म पृथिवी शर्म विश्वंमिदं जगंत्। शर्म चन्द्रश्च सूर्यश्च शर्म ब्रह्मप्रजापती। भूतं वंदिष्ये भुवंनं वदिष्ये तेजों वदिष्ये यशों वदिष्ये तपों वदिष्ये ब्रह्मं वदिष्ये सत्यं वंदिष्ये तस्मां अहमिदम्पस्तरंणम्पंस्तृण उपस्तरंणं मे प्रजायै पशूनां भूयादुपस्तरंणमहं प्रजायै पशूनां भूयासं प्राणांपानौ मृत्योर्मा पातं प्राणांपानौ मा मां हासिष्टं मधुं मनिष्ये मधुं जनिष्ये मधुं वक्ष्यामि मधुं वदिष्यामि मधुंमतीं देवेभ्यो वाचंमुद्यास । शुश्रूषेण्यां मनुष्येभ्यस्तं मां देवा अवन्तु शोभायै पितरोऽनुंमदन्तु। ॐ शान्तिः शान्तिः शान्तिः॥



This PDF was downloaded from http://stotrasamhita.github.io.

http://stotrasamhita.github.io | http://github.com/stotrasamhita

Credits: http://stotrasamhita.github.io/about/